



# BULETIN TRIMESTRAL



# 2020



+670 78678072



[www.cfp.gov.tl](http://www.cfp.gov.tl)



Comissão Função Pública

# REDASAUN

## Xefe UPKS

Maria Jose A.Mesquita

## Dezenhu no layout

Lorga dos Santos

## Printing

Silvya Printing

## Kolaboradores

Silvia Cristina N.Fernandes

Lidia Aquelina Imaculada Conceição

Candido Lopes Martins

Paulino X.B Freitas

### VIZITA AMI:



[www.cfp.gov.tl](http://www.cfp.gov.tl)



comissão função pública

## ÍNDISE

Índise.....	I
Editorial.....	II
Lansamentu Loron FP.....	1
Tomada de Posse Komisariu KFP.....	7
Formasaun Lideransa .....	9
Progrma Bolsu Eštudu.....	13
Entrega Relatorio Formasaun ba FDCH.....	14
Ekipa Integradu.....	15
Partisipa iha Jornada Orsamental 2020.....	16
KFP halo audensia ho Komisaun A-PN.....	17
FP enktru ho PM.....	19
Proposta Promosaun iha KM.....	20
KFP relaiza Worksho.....	21
Termo Asseitasaun ba Profissionais Senior.....	22
Interviŝta iha GMN .....	23
KFP halo Diseminsaun iha Munisipiu.....	25
DL Nu.13/2020.....	27
Prosesu Nomeasaun ba FP.....	28
Monitorizasaun Atendimentu Publiku.....	29
Orador iha UNTL.....	30
Sunu Lilin hamutuk iha KFP.....	31



## São Tomas More

Foi anunciado no dia 15 de julho de 2016 o Padroeiro da Função Pública


EDITORIAL

**H**o haksolok boõt, Komisaun Funsau Pùblika (KFP) apresenta ba ita hotu Revista Trimestral nebe koalia kona politika no prioridade ba Komisaun Funsau Pùblika nian.

Revista ida ne'e sei informa ba ita hotu kona ba atividades lubun ida mak antes ne'e hala'ona. Ami hein katak revista ida ne'e bele koresponde ita nia espetativa, atu hetan informasaun sira ne'ebe ita hotu hakarak hatene kona ba lora servisu sira Funsau Pùblika nian .

Ami sei agradese wainhira hetan ideias, kritikis no sugestoes husi leitores, atu nun'e bele tulun ami hodi hadia liu tan publikasaun sira ne'ebe tuir mai.

Ami mos la taka dalan karik leitores sira iha hanoin atu kontribui ba iha konteudu buletin.



# LANSAMENTU LORON NASIONAL



DISKURSU PREZIDENTE KFP

Faustino Cardoso Gomes, (09 Julu 2020)



Lansamentu loron Nasional Funsau Publika 15 de Julu de 2020, neébé halaò ba dala neen (6) no tinan neé ita hotu hamutuk komemora hodi halo refleksaun ao mesmo tempo ita hatene frakeza sira merese atu fo orgullu ba konkistas, ganhos sira no rekoñese frakeza sira neébé maka presija atu mellora, ho orgullu hodi bele servi rai no povu ida neé.

Ba dahuluk KFP hakarak hatoò parabéns, kongratulasaun ba Ministru Komersiu Industria no Turizmu neébé konsege haree ba preparativu sira iha âmbito realizasaun ba responsabilidade ba iha komemorasau Loron Nasional Funsau Públika dala 6. Tinan ida neé atu dehan deit katak, atribuisaun responsabilidade ida neébé maka oras neé manifesta liu husi eventu lansamentu ida neé rezulta husi prosesu sorteiu neébé sempre halaò iha loron Loron Nasional Funsau Públika.

Iha tinan kotuk Ministeriu Komersiu Industria no Turizmu maka hetan sorteiu ida neé, ita hotu ksolok husi Instituisaun Estadu tomak ho orgullu ho ksolok, apoia partisipa iha prosesu lansamentu atu garante bele preense ho aktividade neébé mak Ministeriu Komersiu Industria no Turizmu nuudar responsavel, prepara tiha ona signífika katak, servisu hamutuk, servisu ekipa ezije nafatin atu toò iha 15 Julu ho sus-

esu. Ho Komisaun nia naran hakarak hatoò parabéns ba ekipa téknika sira husi Ministeriu Komersiu Industria no Turizmu.

Dala ida tan ita akompaña alin oan bidu nain sira neébé maka halo abertura ho dansa, bidu, tebe ganho husi MTKI ninian simbólikamente ita akompaña haree atributu neébé sira uza hahu kedas husi manu fulun, ami Suia sira dehan nakliki, ho sira nia maneira hatais ho mean berani, depois kesi ho hena mutin símbólu dame ho surik nakliki tun ba mai simboliza orgullu ba konkista, orgullu ba vitória neébé hau hakarak hatoò simboóliku loos no refleta loloos saida mak Funsau Públika tenki harii, refleta iha âmbito komemorasau Loron Nasional Funsau Públika ho kontestu neébé maka diferente. Maibé sira nia movimentu hadulas ba mai hatudu mai ita koerensia, ita presiza iha harmonia, presiza unidade, liu-liu tenki hatudu profesionalizmu, maibé realmente representa saida mak ita presiza manifesta, hatudu kompromisui, dedikasaun no reforsa tan ho kanta Hinu Nasional halo refleksaun, um minutu selénsiu ho kanta Marcha Funsau Públika. Ita hotu komprende no hatudu jestu firme, nonok ho sériu neé hatudu katak, liafuan sentidu sira neé liu husi hananu ita presiza atu materializa, ita laos komprende deit, maibé oinsá materializa liu

# FUNSAUN PÚBLIKA 15 DE JULHO DE 2020



husi prátika servisu tuir situaun grau responsabilidade ida-idak ninian ho unidade, profesionalismu no tane ás interese nasaun, povu ida neê mak ita bele orgulhu ba eroi sira, servi ba povu tuir ita nia servisu. Lori KFP nia naran hatoo agradesimentu ba Sua Excia Vise Primeiru-ministru tamba konkista saida deit sei sai nu'udar mehi ida deit bainhira ita la suporta malu, entre politika no tékniku profisional sira mós suporta, neê hatudu katak komunikasaun importante, maibé ita haree dala ruma entre sira acanhado oituan, ida neê depende ba dezempeñu profisionalizmu, ita tane ás buat ida acanhado sira neê, maibé karik konsiente atu labele monu ba partidarizasaun. Ho tempu ida neê aproveita ho tempu oportuni iha Loron Nasional Fun-

*Iha tempu hanesan VIII Governu Konstitusional kompletu ona, ita ezije atu oinsá ordem politika no ordem burokrátiku servisu hamutuk ho profisional, ho versaun ida deit oinsá atu servi povu hodi lori sira ba moris di'ak "bem estar" hodi bele fo orgulhu ba povu.*

saun Públika ita halo refleksaun.

Ba saida mak ita konkista hodi buka hadia liutan ita nia desempeñu iha tinan sira mai neê, maske ita mós rekoñese tema tinan ida Reziliêsia. Iha tinan kotuk Ministeriu Justisa organiza loran lansamentu ida neê halaõ kedas aktividade bar-barak inklui mós aktivi-

dade jornada laõ tuir ain fatin ba saudozu sira, infelizmente aktividade labele halaõ iha tinan neê tanba hasoru situaun reziliênsia, ho duodesimu liu-liu impaktu husi pandemia COVID-19. Tanba neê halo deit seminariu, vizita eroi sira nia rate no missa agradesimentu.

Aproveita iha lansamentu SIGAPnet ida neê mai husi KFP, SIGAPnet dehan Sistema Informasaun Jestaun Administrasaun Públika, tamba iha liafuan net atu hatudu ba ita katak, Governasaun ida net neê Governasaun elektrónika sai nu'udar prioridade, maske sei dook husi ita nia espektativa ideal, maibé buat balun ita hatudu, ita konsege konkista no ba konkista seluk ida atu oinsá lori ita ba iha rede Governasaun elektrónika maske oituan ho neneik, maibé determinadu atu aseguara efisiensia, efikasias inklui mós auditoria ba situaun ba baze dadus husi funsionariu públiku sira ida-idak no uzu meius teknologia informatika telemovel android m no meius ida neebé maka bele premitte funsionariu ida-idak asesu ba situaun baze dadus ida-idak ninian hodi bele haree no akompañã ida-idak nia perkursu kareira liu SIGAPnet.

Iha oportunidade ida neê hakarak hatoo obrigadu ba hot-hotu nia servisu hamutuk, servisu ekipa ba komprimisiu no vontade servisu hamutuk hodi hakbesik an liu tan ba moris di'ak povu, seguransa, integridade ba nasaun.

# Ministru Turizmu

## José Lucas do Carmo

Abertura loron moris Funsauun Públika ba dala 6, hanesan Ministru Turizmu Komersiu no Industria hakarak hato'ò obrigadu wa'in ba Prezidente KFP ho ita boot nia lideransa ne'ebé servisu hamutuk ho ita boot nia ekipa no mós kooperasaun di'ak husi ekipa organizadora husi MTKI rasik. Iha okaziasaun Loron Funsauun Públika ne'e sai momentu ba ita atu relembrá fila fali kona-ba valor Administrasaun Públika, funsionáriu no Instituisaun sira nia papel importante iha forneseменту servisu hodi reduz pobreza iha nasaun doben ida ne'e. Hanesan servisu eduka ita nia oan, fo tratamentu ba moras, proteje fronteira, mantein estrada no ponte sira, liu-liu sistema bee no kresimentu ekonomia hodi suporta setór privadu iha rai doben hodi fo rekoñesimentu importante ba iha Administrasaun Públika. Mai ita mantein komitmentu hodi asegura continuidade reforma sira ne'ebé la'o hela, programa atu garante continuidade efikasias, efisiensias, efetividade, transparansias, produtividade no igualdade iha setór públiku.

Iha situaun pandemia COVID-19 nian ita foti vantajen, esperiensia atu refleta reforma saida deit mak ita prezisa atu hala'o, adapta, transforma, moderniza Funsauun Públika hodi bele sai inovativu liu husi responsabiliza no transparansia hodi hasoru obstakulu sira iha sosiedade.

Selebrasaun Loron Funsauun Públika nian maka progresu lubuk ida iha ita nia istória, iha setór públiku konstrui no

fundasaun sólida ho responsabilidade, profesionalimu, étika, transparansia ho nune ho haraik an husu lider sira no parseiru servisu públiku sira atu partisipa jornada ida ne'e hodi simplifika, inova ita nia Administrasaun Públika.

## Vise Primeiru-ministru, José Reis,

Representa Sua Excia Primeiru Ministru, Taur Matan Ruak atu bele prezide iha abertura komemorasaun Loron Nasional Funsauun Públika ba dala 6, ba maluk sira ne'ebé presente iha ne'e apresenta Administrasaun Públika ita nia sidadania ne'ebé iha kna'ar no responsabilidade boot ba ita nia nasaun no ita nia sidadaun sira liu husi servisu sira ne'ebé tenki fo apoia ne'ebé adekuaду tuir liña estratéjia programa.

Timor-Leste hasoru desafio barak tebes, liu husi faze oinoin inklui restaurasaun independensia to'o ohin loron tinan 2020. Ida ne'e sai nu'udar tinan ne'ebé ita hotu hasoru desafio barak no boot liu tan ita nia moris lor-loron, ita nia rutinas sira muda drástikamente nu'udar rezultadu husi surtu global COVID-19. Surtu ida ne'e rasik provoka no sai nu'udar preokupasaun boot, maibé efeitu sira husi medidas Saúde Públika ninian hanesan taka eskola, reduz servisu Instituisaun Estadu, taka servisu empreza no





redusaun boot ho significativu iha volume setór privadu lori mós konsekuensia barak no susar ba ita nia servisu no moris sosial.

Administrasaun Públika Estadu nian tenki asume hot-hotu atu servisu ho efisiensia,efikasia, responsabilidade, étika no rigor iha produsaun servisu públiku ho nunéé bele refleta kapasidade dezenvolvimentu atu hasoru sosiu-ekonomiku no sosial sira neébé sei mosu tamba surtu atual. Importante tebes atu hot-hotu halo esforsu tomak, atu servisu públiku ida ho sustentável ho qualidade no adapta ba konzutura situaun foun atu besik sidadaun sira hotu ho maneira justu no igualdade.

Buat foun neébé maka ita hasoru daudaun ezije iha restruturasaun ba iha servisu públika sira nian hodi bele atende ba ezijensia prevensaun no kontrolu surtu COVID-19 no mós espektativa ezijensia husi populasaun prezisa tebes atu iha adaptasaun atu bele desbloqueia sira neébé impoem tuir medidas prevensaun COVID-19 nian, maibé ho continuidade atu atinje objetivu, estratéjiku no metas sira husi Administrasaun públika.

Nesesidade ba adaptasaun relaciona ho surtu pandemia atual ezije atu halo prestasaun servisu públiku neébé di'ak liu tan husi nivel baze toó pozisaun lider másimu ezije ema hotu tenke konsentra ba prioridade husi instituisaun



## Loron Nasional Funsaun Publika

estadu ida-idak hodi bele transforma prestasaun servisu ho efisiensia política sira neébé define no inovasaun sira neébé nesessaria. Nunéé bainhira servisu públiku bele servisu ho másimu liga ho dezenvolvimentu ekonómiku atu halo reforma ba negosiu fortalesimentu ba comunidade sira no kombat COVID-19 ba implementasaun insiativa ekonomia, edukasaun primaria no sekundaria fortalesementu ekonomia no setór privadu nian neébé moris husi profesionalizmu husi funcionarius públikus sira.

Normalidade foun, impoem atu sidadaun sira, sociedade sivil hotu involve iha servisu públiku ho nunéé hau apelo ba funcionarius públikus sira hotu atu iha responsavel boot neébé ezije ba normalidade. Impoem mós prioritária significativu iha nivel organizaun tuir Prinsipiu Konstituisaun iha artigu 137 neébé hatete, prinsipiu Administrasaun Públika maka promosaun interese públiku, respeito ba direitu husi sidadaun no Instituisaun sira. Importante atu realsa mós prinsipiu baze ba nesessidade atu iha burokratik neébé bele hakbesik servisu ba ema no garante partisipasaun iha parte interesadu ho meritukrasia, luta kontra inimigu indesivel kontinua no atu bele garante sustentabilidade Estadu nian ba ita nia nasaun Timor-Leste.

*Ita hotu labele hases an husi ita nia responsabilidade nu'udar sidadaun no nu'udar funcionáriu fundamental tebes atu servisu públiku sira iha kontinuidade, tamba ida neé hau apelo ba ema hotu atu iha reziliensia no kapasidade atu adapta. Ba dirijente másimu sira instituisaun nian hanesan Diretor Jeral, Diretor Nasional, Diretor Munisipal sira hotu atu lidera imi nia ekipa hodi fokus ba mudansa atu adapta ba tempu foun ida neé.*

*Hau apela atu imi hatene hateke ba mudansa nu'udar profesional laos nu'udar problema. Mai ita hotu hamutuk buka estratéjia ita ida-idak ba reziliensia tuir kapasidade atu iha dezenvolvimentu kontinua. Aproveita oportunidade sira, hamenus problema no buka aktividade foun atu infrenta no bele mosu nu'udar susesu polítika Administrasaun Públika iha futuro.*

Ohin loron ba oin ho normalidade foun ita sei lahanesan uluk no ita hotu sei muda ita nia komportamentu lorloron nian, hau iha konviksaun boot katak, ita hotu sei sai ezemplu ba reziliensia neébé boot nu'udar mós prova katak, ita iha kapasidade atu adapta realidade foun hodi bele harii sociedade ida neébé di'ak no buras liutan. Hatutan deit hanesan Prezidente KFP subliña buat ida ho dansa neébé apresenta, orasaun ho hananu hinu nasional, marcha Funsaun Públika ita rona fo duni inspirasaun ba ita, maibé palavra de ordem maka prátika no kriteria sira. Hau fo parabéns ba funcionarius tomak iha Timor-Leste hanesan ajente administrasaun públika buka atu hametin liu tan dezenvolvimentu nasional, hau husu katak loron ida neé bele halo refleksaun ida atu bele haree loloos saida mak ita sala, saida mak loos, atu ita halo koresaun nunéé bele hametin liutan Funsaun Públika. Hanesan Prezidente KFP hateten, loos Governu ohin mai aban sai, saida maka permanensia neé funcionarius públikus no Instituisaun Públika. Tamba neé husu ba funcionarius públikus labele sai instrumentu polítiku partidaria, hatudu imi profesionalizmu atu bele hadia ba oin ho misaun no objetivu neébé mak ita hakarak di'ak ba Administrasaun Públika Timor-Leste.



# LNFP 2020:

## “Reziliensia Iha Pandemia COVID-19”

**K**omisaun Organizadora Ministériu Turizmu, Komersiu no Industria hamutuk ho Komisaun Funsan Públika halo abertura ba atividade sira hodi komemora Loron Nasional Funsan Públika (LNFP) daneen neêbé sei monu iha loron 15 jullu no responsável ba organizaun eventu refere Ministériu Turizmu Komérsiu no Indústria.

Hanesan ita hotu hatene, tinan neê mundu tomak inklui Timor afeta ho pandemia Covid-19, sai hanesan sirkunstánsia ida

neêbé impede atividade hotu inklui atividade sira ba komemorsaun LNFP neê rasik.

Tema definidu mak “Reziliénsia Funsan Públika hasoru pandemia COVID-19 no ba oin” sai hanesan tema prinsipál ba komemorsaun LNFP.

Haree ba tempu no situaun finanseira neêbé dau-daun neê laõ ho rejime Dotasaun Orçamento Temporário (DOT sigla Portugês), impossibilita ministériu responsável atu halo atividade barak tuir planu neêbé difini anteriormente.





Liga ho ida neê, Ministériu ho supervizaun Komisaun Funsau Públika nian desidi organiza Atividade tuir mai. Abertura oficial ho lansamentu ba sistema SIGAPnet, vizita jardim heróis da pátria, Metinaro, limpeza jerál, Seminário no atividade kúlmene taka ho missa agradesimentu neêbeé mak hala’o iha Igreja Katedral.

Iha programa kulmine neê taka ho dada rifa no uma nain ba komemorasaun LNFP iha tinan 2021 mak Ministériu Saúde.

# PM TAUR MATAN RUAK FO POSSE BA

Komisariu **KFP**, Fausto Freitas da Silva (Liu rai Tasi)



**P**primeiru Ministru VIII Governu Konstitusional, S.E Taur Matan Ruak fó posse ba Komisáriu Komisaun Funsau Públika (KFP) Fausto Freitas da Silva neébé nomeia husi Parlamentu Nasional hodi kompleta estrutura III mandatu KFP nian. Iha Primeiru Ministru Taur Matan Ruak nia diskursu hateten, Komisaun Funsau Públika iha knaar importante hodi asume papel ida neé iha desenvolvimentu Administrasaun Públika Timor-Leste. Iha esperensia tinan 11 buat barak mak halo ona no iha buat balun neébé mak presija halo tan, tanba realmente torna ita nia fungsionalizmu públiku iha Administrasaun Públika neébé fokaliza liu ba prestaun servisu ba ita nia sidadaun sira. Sidadaun sira mak halo avaliaun ba performance, empenamentu ba dedikasaun funcionáriu. Hanesan Xefe Governu neé hateten, iha dezafiu boot mak gover-

nu halaó reforma sira hanesan, reforma iha administrasaun públika, reforma legislasaun, reforma finansas públikas no reforma sira neébé mak ita pretende atu halo, barak halo ona no barak seidak. Tenke envolve ministériu lubuk ida ho responsabilidade neébé mak lidera husi Primeiru Ministru, ida neé hornadu boot ida ba nia hodi halo reforma ba desenvolvimentu instituisaun sira.

Governu haree area lima importante mak dezvoltimentu institusional, imprime transforma sira ne'ebé eficiente, efikasiasa posivel, signifika ita hadook an husi ita nia burokrasia, formalidade ne'ebé impede dezvoltimentu sidadaun sira nian, dada eh estimula partisipasaun sidadaun nia dezvoltimentu. Seluk mak reforma legislasaun mak kria lei ne'ebé diak hodi dezvoltive ita, integra ita nia an iha rejaun ne'ebé ita insere ba, lei ne'ebé labele loke dúvidas, ambiguidade no interpretasaun diferente, entaun governu nia esforsu kontinua tau matan atu simplifika liu

tan legislasaun sira ne'ebé mak iha bele ajuda rezolve problema sosiedade ninian, fasilita ita la'o lais liu tan hodi atinje dezvoltimentu ne'ebé mak ita hakarak, dehan S.Exa Primeiru Ministru Taur Matan Ruak. Iha Timor-Leste Administra-



saun Públika hanesan orgaun administrativa antes ita ukun an ita iha administrasaun rua ne'ebé mak liu ona mak iha tempu kolonializmu Portugues no tempu Indonézia nian, entaun naturalmente iha ona entaun ita iha kompetensia no poder mós ba ita nia instituisaun sira iha postu, munisipiu sira tanba la iha dalan seluk atu halo maibe tenke implementa. Primeiru Ministru mós kontinua fó esperansa no konfiansa tomak katak, iha dezvoltimentu ne'ebé mak la'o daudaun liu-liu reforma sira ne'ebé mak KFP asume papel importante, liu-liu ho esperiensia barak mak lida permanente ho sistema, funksionalizmu iha Administrasaun Públika ne'ebé realístiku. Ho tomada de posse ne'e kompleta ekipa KFP nian liga Administrasaun

Públika ne'ebé mak lidera husi presidente ida no komisariu sira. Presidente KFP, Faustino Cardoso Gomes re-eleitu husi Governu inklui Komisária Maria de Jesus Sarmiento, Komisaria Carmeneza dos Santos Monteiro ne'ebé simu ona posse iha (28/05/2020). Komisariu António Freitas kontinua hetan extensaun to'o 2022.

# IDN, KFP, INAP no FDCH

## Realiza Formasaun Lideransa no Governansa ba Diretores Jerais no Diretores Nasionais 150

**I**nstitutu Nasionál Defeza (IDN), Komisaun Funsauñ Públíka (KFP), Institutu Nasionál Administrasaun Públíka (INAP) no Fundu Dezenvolvimentu Kapital Umanu (sigla portuguêz - FDCH) realiza formasaun lideransa no governansa ba nivél Diretor Jeral ho nivél ekiparadu no Diretor Nasionál sira hamutuk 150 durante fulan ida. Objetivu formasaun neê atu proporsiona kompetensia adekuaðu ba nivel dirijentes superiores iha

kultura administrasaun públíka ho profisional, ho kualidade. Alende neê desenvolve kompetensia téknikas no transversais sira, desenvolve kapasidade kritika ho rasiósinu liga ho problema sira Administrasaun Públíka liu husi aplikasaun prátika neêbé mak iha.

**F**ormasaun neê halaó ho orientasaun husi S.E Primeiru Ministru Taur Matan Ruak liu husi Komisaun Funsauñ Públíka (KFP), Institutu



Nasionál Administrasaun Públika (INAP) no Institutu Nasionál Defeza (IDN).

Matéria iha formasaun refere abranje modulu 6 mak hanesan, Ontologia da Grande Estratégia Nacional; Processo e Resiliência Nacional; Percepção de Segurança e Defesa Nacional da RDTL; As Propriedades do Governo (política pública e gestão estratégica); Sistema Jurídico de Governança; Contextualização Nacional (visitas as instituições estratégicas).

Formasaun neê fó husi dosente sira husi Institutu Defeza Nasionál (IDN) ho durasaun tempu fulan ida ba total participante sira hamutuk 150, iha nivel diretores jerais ho ekiparadu hamutuk 50, (F:15M: 35) no formasaun hanesan ba diretores nasionais hamutuk 100, kompostu husi (F: 40 M: 60)



# Opiniaun husi Formandu sira:



## *Terezinha Ximenes, Diretora Nacional Rekursu Umanu PDHJ*

Formasaun ne'e importante tebes ba ami, tanba ho ida ne'e bele eleva ami nia koñesimentu, esperiensa ne'ebé durante ne'e ami hetan husi formasaun. Nuné ami mós bele implementa iha ami nia servisu lor-loron nian iha ministériu ida-idak.

Formasaun ne'e liga ho sentidu estadu, ita tenke hatene buat sira ne'e hotu hanesan Timor oan ema ne'ebé mak senti katak nasaun ne'e pretense ninian ita mós tenke iha koñesimentu kona-ba ida ne'e, koñese ita nia lideransa sira lider polítiku sira, lider ne'ebé mak hahú desdeuluk kedas luta ba iha ita nia libertasaun ba ita nia nasaun. Oinsá mak ita atu luta libertasaun povu no nasaun ninian ba dezenvolvimentu nasional, bem estar povu no mós seguransa ba ita nia sidadaun sira.

Liga ba materia ne'ebé mak ami hetan atrativu tebes mai ami, ba formador sira ne'e mós iha esperiensa, koñesimentu no iha abilidade. Entaun ami sente katak, vale a pena formasaun ne'e kontribui no implementa iha fatin servisu.



## *Manuel Ximenes Smith, Diretor Nacional Arte no Kultura*

Formasaun ne'e primeira vez Estadu Timor-Leste organiza ba iha altu nivél eh direjentes sira iha Funsau Públiku kompostu husi diresau diretores jerais nomos inspetor jeral husi ministériu sira. Durante ne'e senti ksolok tanba iha buat balu ita lahatene nunka rona ita mai rona iha ne'e, ita hanoin katak, nasaun Estadu ida ne'e hetan ona ukun-an buat hotu laõ d'ak ona. Afinál deskonta iha flazil legalidade barak, flazil barak ne'ebe akontese signifika, Estadu ou Governu presiza prepara an liu liga ba iha prosesu sentidu nasaun no mós liga kestaun ne'ebé foin dadauk ami foin aprende k'alia ba iha parte polítiku governasaun. Ita haree katak, ezijensia kona-ba uniformidade liu-liu ba prosedur dokumentus "produz dokumentus" ida ne'e mak sei sai hela problema tanba ita haree kada Ministerál sei laõ tuir

hela versões husi nasaun bar-barak. Hanesan dosente hateten, ida-idak laõ tuir diresau no liga ba prezensa asesores internacionais sira iha kada Ministeriál, sira mai ho prosesu admisaun ne'e Ministériu relevante laõ mós hanesan ne'e. Kontextu ida ne'e ami husu katak, se bele Estadu Timor-Leste koko ona atu estabelese rede ida forte, liu-liu ba iha prosesu enkuadramentu ba prosedur dokumentus ba iha Ministériu hotu-hotu. Nuné ita halo karta ida karik mós iha uniformidade, labele Ministériu ida produz dokumentu ketak ida liga ho asuntu hanesan Ministériu seluk mós nia produz dokumentus ho asuntu hanesan no diferente, ita haree katak formaliza tiha prosedur dokumentasaun ida ne'e para ema hotu-hotu laõ tuir koredor ne'ebé k'alia kona-ba boa governasaun ba iha estadu Timor-Leste.

Hakaraka lakohi ema hotu-hotu kuda kestaun patriotizmu, nasionalizmu iha ema ida-idak nia isin lolon, tanba kaer ba responsabilidade liga ba kestoens sira ne'ebé Timor oan rasik mak atu aprofunda klean liu tan.

Husu karik, formasaun ne'e bele ba mós membru governu sira, labele ba de'it teknokrata sira.





### *Valente de Fátima Miranda, Diretor Nasionál Finanzas Munisipiu MAE Likisa.*

Formasaun neê primeira vez halo iha ita nia rai, ha'u espera katak, buat neê laos mai ami de'it maibe ba membru governu sira prinsipal tebes. Tanba liga ho koñesimentu ho politika operasionál liga ho sistema prosesu sira neê hotu. Kontéudu lisaun neêbe mak dosente ka formador sira hanorin neê pertenente tebes ba iha serbisu públiku estadu ninian, liuliu halai liu ba nasionalizmu, patriotizmu no idealismu. Oinsá mak ita atu proteje no promove ita nia rai liu husi politika lideransa no jestaun, matéria neê kuaze hetan iha fatin barbarak, pela

primeira vez ita nia governuliu husi Funsau Públika ho asisténsia sira hotu halo ida neê.

Haú espera katak, kontinuasaun husi matéria ida neê laos too iha neê de'it, maibe karik bele ba oin laos ba de'it funsionáriu sira hanesan diretor, maibe ba sira neêbe wainhira hetan oportunidade hanesan funsionáriu, sai ona hanesan operador estadu autoriamente bele hetan, maibe husi ninia konfigurasaun matéria buat sira neê presiza halo klasifikasaun. Tanba matéria neêbe ami hetan iha buat balun neêbe hanesan segredu liu, hanesan ba lideransa sira laiha buat ida maibe, lideransa sira mós tenki iha klasifikasaun pertenente tanba la hotu-hotu bele mai ho vizaun neêbe lahanesan ho hanoin hanesan talvez mós segredu estadu nian bele sai fali ba liur. Pesrpetiva ba oin ha'u espera katak, matéria neê labele troka de'it iha ami no labele hotu iha neê, karik iha kontinuasaun mak hanesan ha'u hateten tenki halo fila fali filtrajen ba matéria liuliu kona-ba informasaun konseitu sira neêbe mak atu hanorin, sira neêbe hanesan segredu liu parese troka iha neêba, maibe en jeral ba funsionáriu hotu-hotu neê obrigatóriu tenki tuir. Karik di'ak liután mak iha formasaun ida neê bele configura ho mós regras disiplina balun neêbe laos de'it iha teoria maibe konseitu prátika liu-liu ba funsionáriu sira foun.

Vizaun neê los duni, koñesimentu ou siénsia neêbe mak ami hetan pertenente tebes maibe ba oin ita nia governu ka estadu tenke mai ho komitmentu neêbe mak serteza liu-liu ba iha politika nomos desisoes sira neêbe liga ho operasionál, atu nunêe labele sai hanesan konfuzau ba ita durante tinan sanulu resin ualu, ita iha politika barak konseitu barbarak maibe seidauk integradu, ho formasaun no koñesimentu neêbe mak iha organizadu husi kursu ida neê bele kontinua ba oin.



### *Marcelina Tilman, Diretora Jeral Ministériu Justisa*

Formasaun ninia vantajem mak oinsá orienta ita servisu di'ak liu-liu lideransa sira no servisu ekipa, oinsa motiva ba ninia subordináriu, halo planu neêbe di'ak wainhira iha sujestaun ka opiniaun ruma ba superior ho maneira oinsá, liu-liu atu sai lideransa estratéjiku neê ita labele hateten de'it katak "ya atau tidak", maibe ita kuandu hateten, laloos fó solusaun, kuandu los tenki kontinua implementa iha serbisu.

Dala ruma programa politika sira neêbe mak iha superior sira iha ministériu ida-idak implementa tuir politika no orientasaun liga ba prosedimentu ba planu sira neêbe mak trasa ona iha planu asaun anual.

Formasaun lideransa gov-ernansa estratéjiku ida neê matéria barak demais, nia ko'alia kona-ba prosedimentus sira neêbe iha, oinsá sai lideransa neêbe di'ak liga ba mar de Timor, oinsá halo kooperasaun, nasaun neêbe mak fó apoiu ba Timor liga ba iha dezvoltamentu nasaun nian. En jeral ko'alia kona-ba Rai, Tasi no Lalehan, politikas públicas, poder no poliitika oinsá atu hatan ba sidadaun ou comunidade nia nesesidade liuhusi desizaun ka politika sira neêbe boot sira foti liu husi tékniku sira neêbe funsionáriu sira halo liu-liu kada diretor sira halo.



# KFP JICA no INAP

## Koa'lia Programa Bolsa Estudu ba Funsionáriu Públiku

Prezidente KFP Faustino Cardoso Gomes, Komisaria Maria de Jesus Sarmento, no Carmeneza dos Santos Monteiro hala' o enkontru ho Diretór-Jerál INAP, Diretór-Jerál Ministeriu Ensinu Superior Siénsia no Kultura no representante JICA – hodi koa'lia kona-ba programa bolsu estudu ne'ebé apoiu husi Governu Japaun ba funsionáriu públiku sira.

Prezidente KFP husu ba Komisaun ne'ebé kompostu husi KFP, INAP, MESCC no JICA atu prepara Padraun Prosedimentu Operasional (PPO) no kondisaun sira ba bolseiru sira atu garante prosesu la' o di'ak ho responsabilidade.







## KFP Entrega Relatóriu Planu Formasaun 2021 ba FDCH

**K**omisariu Fausto Freitas da Silva portfóliu Kasuntu disiplinár representa Prezidente KFP ofisialmente entrega relatóriu rekollamentu planu formasaun no dezvoltimentu ba Diretora Eze-kutiva, Leila Carceres, Fundo Dezenvolvimentu Capital Humano (FDCH).

Objetivu husi servisu integradu ida ne'e, atu iha aliñamentu ba politika governu atual, iha efisiansia no efikasias, iha aproveitamentu, kontrolu diak, kumprimentu ba prosedimentu legál sira no sustentabilidade orsamentu.

Durante prosesu rekollamentu, ekipa simu planu

husi instituisaun hamutuk 41 no planu formasaun ne'be submete abranje ba kategoria jenériku ho pursentu 54% no espesifiku 46 %.

Formasaun jeneriku tuir konseitu FDCH nian katak area formasaun jeral sira hotu ne'be instituisaun estadu sira propoin la-refleta ba kompetensia espesifiku kada instituisaun.

Ba formasaun espesializada refere ba formasaun teknika no área espesifiku bazeia ba kompetensia teknika husi kada instituisaun ne'be ho estratejia atu reforsa servisu tekniku instituisaun nian.

Alende formasaun jenériku no espesifiku instituisaun hamutuk 10 mak submete planu programa bolsa estudu ho total vaga hamutuk 156 iha área oi-oin. Instituisaun ne'be apresenta vaga ba bolsa estudu mak IADE (44) no kiik liu mak PDHJ vaga 2. Em termos nível estudu barak refere ba estudu mestradu nian ho total 112 no kiik liu mak D-II ho vaga 2.

Planu formasaun ne'be mak submete barak liu sei hala'o iha rai laran ho total 70 % no 30% ba iha rai liur barak liu ba iha Indonesia.

Total Jeral kustu formasaun no dezvoltimentu husi 41 Instituisaun proponentes ba tinan 2021, hamutuk \$11,664,557.75 (Onze milhões seiscentos e sessenta e quatro mil quinhentos e cinquenta e sete vírgula setenta e cinco Dolares Americano), kustu refere akumulativu husi kustu formasaun no kustu bolsa estudu ho beneficiariu hamutuk 7612 (F: 3029 M: 4583).



# Ekipa Integradu Reativa Inspesaun no Vizita Surpreza ba Instituisaun Públiku sira

Ekipa integradu boa governasaun Komisaun Funsan Públika (KFP), Komisaun Anti Korupsaun (KAK), Inspesaun Jeral Estadu (IJE) no Provedoria Direitos Humanos e Justiça (PDHJ) reativa hikas fali atividade inspesaun no vizita surpresa ba instituisaun públiku no ministériu sira hodi kontinua garante imparcialidade, profesional no labele monu ba iregularidade sira, liu-liu ba funcionáriu públiku no ajente administrasaun públika sira. Inspesaun neê ekipa konjunta KAK, IJE, PDHJ, Patrimoni Estadu, DNTT tun ba

terenu hamutuk ho Polisia Tranzitu Nasion-al hodi ba dada kareta doasaun husi Banku Mundial neêbé entrega ba Governu liu husi Ministériu Edukasaun iha tinan 2012.

Ekipa konjunta halo apreensaun ba kareta estadu neêbé hetan doasaun husi Banku Mundial neê husi eis funcionáriu Ministeriu Edukasaun iha hela fatin Becora ba kareta ho marka Mitsubishi Pajero ho xapa matríkula 20.083 TL neêbé mak pessoal neê kontinua uza sai hanesan patrimoniu partikular.



# KFP Partisipa iha Enkontru Jornada Orsamental 2021


**P**rezidente, Komisaria Komisaun Funsau Públika, Sekretariu Ezeutivu no mós Ekipa téknika partisipa iha enkontru jornada orsamental 2021 ho tema jeral “Orsamentu Atu Rekupera no Hametin Dezenvolvimentu”.

Objetivu enkontru ne’e atu define prioridade nasional no tetu fiskal 2021 nian.

Enkontru ne’e atu hetan informasaun loos ho komprensivu, konstrutivu ba tetu jornada orsamental nian hodi tuir metas ne’ebé mak sai referensia ba programa estratéjika 2021 nian no mós planu rekuperasaun ekonómika, dehan Ministru Finansas iha Ministériu Finansas.

Iha S.E Primeiru Ministru Taur Matan Ruak nia interven-saun koa’lia pontu lima mak hanesan, dezafius ne’ebé hetan iha 2020; opsoens kresimentu ekonómiku no dezen-volvimentu ekonómiku; diretizmu governamentais tenta intende atu orienta iha ita nia governu; objetivu estadu no governamentais; prioridade setores desenvolvimento ba prioridade 2021 no tetu orsamentu.

Partisipa iha enkontru ne’e Prezidente Parlamentu Nasion-al, Deputadu sira, Prezidente Tribunal Rekursu, Membru governu sira, Prezidente Autoridades Munisipal, Admin-istrador Munisipais, Diretores Jerais, Diretores Nasionais no Sociedade Sivil.



# KFP Audiensia ho Komisaun A- PN



**P**rezidente, Komisarius Komisaun Funsau Públika, Sekretáriu Ezekutivu akompana husi direktor sira audiensia ho Komisaun A Asuntu Konstitusionais no Justisa – Parlamentu Nasional hodi aprezena ezekeusaun Orsamentu Jeral Estadu (OJE) 2020 KFP nian, iha (24/09/2020).

“KFP hetan audiensia ho Komisaun A PN iha 2020 orsamentu neêbé mak KFP iha sei bazeia ba orsamentu 2019 nian, ho total 2,240, 244 orsamentu KFP nian. KFP konsege ezekeuta osan 66% neêbé hela 34% hela ba fulan tolu nia laran, Komisaun kompremetidu bele ezekeuta osan restu neêbé mak iha, Komisaun la iha adisional ba orsamentu 2020 nian, simu pakote bazeia ba 2019 nian nafatin,”

Orsamentu neê, Komisaun nia programa responde ba áreas programas prinsipais tolu, iha nia sub programa walu (8) ho atividade 23, klaru katak, balun halaõ ona no balun seidak, tanba neê osan restu neêbé mak iha sei responde ba planu prioridade sira seluk iha saláriu vensimentu, bens servisus la-iha tan rubrika sira seluk, mak rua neê deit.

“Ba saláriu vensimentu konsege ezekeuta ona 60 ital pursentu, Komisaun nia bens servisu ladun ezekeuta, tanba razaun sira hirak ida, tanba duodesimu nia implika-saun dala balun prosesu rekrutamentu la laõ tuir tempu, hanesan profesional senior nia prosesu neêbé seidak ho

tempu lais, no foin finaliza iha fulan Agostu nia laran no bele simu formalizasaun iha fulan Setembru nia laran. No razaun seluk mak ajustamentu saláriu ba funsionáriu sira neêbé mak iha KFP nian liu-liu ba sira neêbé mak hetan promosaun bazeia ba teste iha tinan kotuk nian, sira seidak simu pagamentu desde fulan Janeiru toõ agora, tanba duodesimu la permite no mós servisu ekstraordinaria sira duodesimu la permite ba pagamentu, nunê mós ba planu formasaun ida neê ninia implika-saun ba mós ezekeusaun orsamentu, tanba situa-saun COVID-19, situa-saun emerjensia ho protokolu husi OMS neêbé difikulta hodi ezekeuta atempadamente, neêbé mak kompara ho ezekeusaun kiik liu kompara ho ezekeusaun saláriu ho verba saláriu vensimentu,” esplika Prezidente KFP.

KFP sei hakas an atu ezekeuta tuir planu asaun anual neêbé mak iha ho maneira halaõ atividade sira neêbé mak hatur ona tuir situa-saun sub programa no programa ida-idak ninian.

GJPRU Kontinua Loke Liras ba Munisipiu Liquiça no Ermera

Grupu Jestores Profisionais Rekursus Umanus (GJPRU) halaõ enkontru ho funsionáriu sira iha Munisipiu Liquiça ho tópicu “Dinámika Polítika Uniformizasaun Jestaun



Rekursu Umanus” iha salaun Administrasaun Munisipiu Liquiça.

Enkontru neê funcionáriu sira levanta liu kona-ba sertifikadu formasaun nian neêbé mak sai hanesan sasukat ida ba promosaun, levanta kestoens liga ho jestaun rekursu umanus iha munisipiu Liquiça.

Iha tempu hanesan Kordenadora Grupu Jestores Profissionais Rekursus Umanus (GJPRU) no membru steering Komite halaò mós vizita ba servisu Administrasaun Munisipiu Liquiça.

Iha vizita neê hetan lakuna sira hanesan menus facilidade mak komputador, tanba funcionáriu uza laptop privadu hodi halaò servisu lor-loron no durante vizita iha sesaun aprovisionamentu, sesaun finansas, rekursu umanus ekipa deteta mós lista prezensa la asina husi funcionáriu durante loron 2 – 3 nian, formulariu ba lisensas, viajen lokal la iha no menus rekursu umanus hodi apoia ba servisu administrasaun munisipiu. Alende neê iha administrasaun iha mós pessoal voluntariu mak halaò servisu iha administrasaun.

Tuir dadus funcionáriu neêbé servisu iha administrasaun munisipiu hamutuk 33 inklui kazuais. No total funcionáriu husi linas ministeriais neêbé mak presta servisu iha munisipiu Liquiça hamutuk 309 funcionárius.

Alende neê Husi JICE-programa JDS mós halo apresentasaun kona-ba bolsa estudu ba funcionáriu públiku sira ba Japaun neêbé iha tempu besik sei hahu inskrisaun iha 16 Novembru 2020.

Enkontru neê realiza organiza husi Diresaun Nasional Formasaun no Dezenvolvimentu KFP hamutuk ho ekipa GJPRU no Administrasaun Munisipiu Liquiça no halaò ona mós iha Munisipiu Ermera, Gleno.





# KFP halo audiensia ho **PM** hodi hato'o pareser ba **Polítika Reforma** **Administrasaun Públika**



**P**rezidente no Komisariu nain haat realija enkontru ho S.Exa Primeiru Ministru Taur Matan Ruak hodi fó pareser kona-ba polítika reforma iha Administra-saun Públika.

KFP haree katak nesesariu duni ba Primeiru Ministru atu informa kona-ba vantajens no desvatajen no iha dunik ninia urjénsia atu halo reforma.

Pareser ne'ebe Komisaun apresenta fo efeitu bo'ot, li-liu hasa'e liu tan efisiensia, efikasias, profisional, halo prestasaun servisu ho kualidade iha Funsan Públika nian ho satisfasaun ba iha Públiku.

Prezidente explika, KFP la'os atu halo polítika maibé atu implementa polítika governu nian, kestaun relevansia ka la'e kabe ba Membru Governu sira, KFP nia dever mak atu hatoo pareser, nun'e wainhira sira hola dezisaun mós sira hatene ona ninia vantajen no desvantajen fila hikas ba polítika governu.



# KFP Aprezenta Proposta Promosaun iha Konsellu Ministru

Komisaun Funsan Públika prezenta ona proposta promosaun kareira ba funfun-sionáriu públiku rejime jeral tinan ne'e (2020) iha Konsellu Ministru

Tuir Dekretu-Lei num. 1/2018 ho alterasaun Dekretu-Lei num. 5/2019 tinan-tinan iha âmbito promosaun nian Governu define vagas ne'ebé mak hetan promosaun iha tinan ida nia laran. Iha tinan kotuk total kandidatu ne'ebé mak tuir teste kandidatu hamutuk 10.455 mak tuir promosaun, ikus mai hetan 1.354 mak passa. Funsionáriu públiku sira ba promosaun tinan ne'e hamutuk 13.542 no total kandidatu ne'ebé mak elejibel hamutuk 10.062 ba teste promosaun tinan ida ne'e, dehan Prezidente KFP, Faustino Cardoso Gomes hafoin prezentaun proposta iha enkontru Konsellu Ministru, Palasiu Governu.

Proposta ne'e prezenta husi Prezidente no Komisaria Komisaun Funsan Públika nain rua akompaña husi Diretora Nasional Forsa Traballu no proposta ne'e hetan aprovasaun ho aditamentu.





# KFP REALIZA WORKSHOP HODI DEFINE PLANU BA III MANDATU NIAN

Komisaun Funsau Públika realiza workshop ho tema “Evaluasaun Prioridade Política Mandatu Daruak no Redefinisaun Política Mandatu Datoluk KFP” durante loron rua (10-11/09/2020) hamutuk ho funsiunáriu sira iha salaun Ministériu Defeza.

Objetivu husi workshop ne’e buka avalia rezultadu implementasaun prioridade política mandatu daruak KFP, buka hodi indentifika progresu, alkansu, dezafiu no obstakulu sira durante periodu (2015-2020) nian. No re-define fali prioridade estratéjika sira hodi kon-

tinua implementa iha mandatu datoluk KFP nian. Iha loron dahuluk rona apresentasaun husi diresaun sira liga ho servisu ne’ebé mak kada diresaun atinji ona, saida mak presija hadia no iha loron ne’e hetan envolvimentu husi Funsiunáriu no Ajente Administraun Públika husi Sekreatariadau KFP nian. Ba loron daruak nian, Prezidente no Komisáriu sira ho akompañamentu diretór sira nian nomós apoiu husi asesór sira ho intensaun atu halo diskusaun redefini planu no estratejia ba peridu tinan lima tuir mai.





# KFP

## Realiza Termu Aseitasaun ba Profisionais Seniores Nain 8 iha Administrasaun Públika

**K**omisaun Funsau Públika realiza serimonia asinatura termu aseitasaun ba dahuluk ba Profisionais Seniores nain 8 iha Administrasaun Públika Timor-Leste.

Profisionais seniores nain 8 mak sai nudar bintang iha prosesu ida ne'e, rejime foun iha Administrasaun Públika Timor-Leste nian, são os primeiros conquistadores deste regime.

Rejime ida sai nudar espetativa iha tempu naruk hodi hatan oinsá aproveitamentu ba tekniku profisional sira ne'ebé mak tinan ba tinan Estadu investe liu husi titular kargu iha Administrasaun Públika. Rejime ida fó biban ba sira atu iha tempu oin mai kontinua proklama sira nia kompetensia, kontinua konkista ba bebeik susesu tuir área kompetensia ida-idak ninian, apenas formalizasaun ba prosesu naruk ida ho rekrutamentu hodi realiza konteúdu husi Dekretu Lei 22/2017, rejime kareia profisional senior iha Administrasaun Públika Timor-Leste.

Sira pertense ba instituisaun ne'ebé mak abriga imi servisu ba maibé, hahu ohin ba oin formalmente imi halo parte husi KFP, imi hatene tiha fatin servisu sai nanis ona nudar imi nia habitat durante ne'e husi KFP fiar katak, fatin servisu la'os foun ba imi. Imi hatene ona dinámika sira mak la'os iha ne'eba, ambiente servisu ne'ebé mak dezenvolve iha ne'eba, kultura servisu ne'ebé la'os, funsiona iha ne'eba. Signifika la iha bareira, la iha konstranzimentu psikolójika, wainhira hahu destaka án, hatudu realiza kompetensia ne'ebé imi iha, maibé ho mekanizmu foun.

Prezidente hatutan, Komisaun sei halo akompañamentu konstante ba imi nia realizasaun kompetensia iha fatin ida-idak tuir área kompetensia ida-idak,

Tanba ne'e aproveita momentu ida ne'e alerta no husu ba emposadu profisionais seniores atu sai vizilante nafatin atu oinsá labele monu iha tentasaun ba dinámiku sira ne'ebé mak hamosu preokupasaun husi publiku, entidade sira ne'ebé tau iha risku qualidade prestasaun apoiu tékniku sira.

Iha tempu badak KFP sei buka meu hodi halo audiénsia ho superior másimu sira, atu oinsá mak destaka sira nia atensaun kona-ba profisionais seniores sira nia prezensa nu'udar tékniku profisional senior ao mesmo tempo ba oin haree mós dezempenu servisu inklui avaliasaun dezempenu.

Iha tempu hanesan Komisaria Maria de Jesus Sarmento hateten, rejime ida ne'e rejime foun iha Administrasaun Públika Timor-Leste nian pela primeira vez ba ema nain 8 tuir vaga 12

no tuir kuota 10% ba nivel DJ no ekiparadu sira. Husi 12 vagas konsege prene vaga 8 no sei falta vaga 4, no iha tinan-tinan KFP simu vaga 12 ne'ebé mai husi ministeriu sira. Ida ne'e oportunidade ba ministeriu hot-hotu atu bele konkore wainhira iha nesidade ba iha profisionais seniores ho kareira transversal, multidisiplinar iha administrasaun públika, ema sira nebe mak prontu ona atu bele fo sira nia apoiu tomak ba iha ministeriu ba area especialidade sira nebe mak sira hatur an ba.

Komisaun Funsau Públika fo sai total vaga 12 bazeia ba nesidade linhas ministeriais hanesan MSSI, MAP, MAE, PDHJ, INAP, MTK, MEKAE no KFP rasik no Komisaun Funsau Públika simu total kandidatu hamutuk 159 ba vaga 12 no kandidatu ne'ebé elejibel ba prova eskrita hamutuk nain 58 (36%) no 101 (64%) la prene rekeztus.

Tuir mai naran husi primeiros conquistadores profisionais seniores iha Administrasaun Públika'

- **Eugenio João Amado de Maria Soares** (Profisional senior ba grau A iha especialidade servisu sosial).
- **Gil Rangel da Cruz** (Profisional senior ba grau A iha especialidade jestaun estratéjika ba agrikultura no peskas).
- **Nelson Philomeno Rego de Jesus** (Profisional senior ba grau A iha especialidade investigador senior).
- **Edgar Sequeira Martins** (Profisional senior ba grau A iha especialidade jestaun rekursu umanus),
- **João de Corte Real Araújo** (Profisional senior ba grau A iha especialidade jestaun rekursu umanus),
- **Belarmino Filomeno Neves** (Profisional senior ba grau A iha especialidade jestaun rekursu umanus)
- **Áureo José António Sávio** (Profisional senior ba grau A iha especialidade tékniku especializadu ba boa governasaun)
- **Fernando Carvalho da Cruz** (Profisional senior ba grau A iha especialidade jestaun estratéjika ba transporte no komunikasaun).

Painel juri sira mai husi instituisaun APORTIL, ADTL, KFP, MAE, UNTL, Fundasaun Klibur Domin ho KAK mak avalia ba dokumentu hodi passa ba prosesu vaga ba kareira profisionais seniores.

Prova eskrita hala'os iha fulan Fevereiro 2020. Tanba pandemia COVID-19 mak prosesu hala'os fali iha fulan Agostu 2020 too faze final



# P REZIDENTE KFP ENTREVISTA IHA GMN – TV, KONA-BA REFORMA ADMINISTRATIVA

Reforma Administrativa Púbrica hanesan parte ida husi política VIII Governu Konstitusional nian nu'udar planu esensial ida husi reforma sira seluk. Reforma administrativa no boa governasaun iha progressu fungsionalizmu públiku liga ho servisu Funsau Púbrica, atu bele atinji boa governasaun nune'e ita bele hatene loloos saida mak hakerek iha Planu Estratejiku no Planu Dezenvolvimentu 2011-2030.

“Reforma Administrativa Púbrica la'o hela daudaun husi Governu ba Governu hatudu komprimisiu ida oinsá mak atu implementa mandatu ba reforma Administrativa Púbrica, maibé iha buat rua ne'ebé mak lahanesan, - ita iha prosesu konstrusaun Estadu, ne'ebé mak seidakonklui signifika ita tenke kontinua ho nia konstrusaun ba oin no iha parte ida ita mós halo reforma buka hadia buat ne'ebé mak harii no konstrói ona. Nia alvu prinsipal, oinsá mak atu hasa'e liu tan efisiensia, efikasias, responsabilidade oinsá mak atu hatan ba ezijensia no prisipiu boa governasaun, nune'e mós oinsá mak atu halo ajustamentu ba mudansa paradigma mundial ninian hodi nune'e hasa'e liu tan prestasaun servisu hatan ho diak liu tan ba iha espetativa povu nian liu husi prestasaun servisu liu husi bens sira hotu hodi hasa'e liu tan partisipasaun sidadaun ninia iha prosesu Administrativa Púbrica ninian,” Prezidente Komisaun Funsau Púbrica, Faustino Cardoso Gomes esplika.

Iha kontekstu reforma Administrativa Púbrica hanesan komponente save ida ne'ebé substansial tebes hanesan nukleo ka inti públika mak Funsau Púbrica, wainhira koa'lia kona-ba Funsau Púbrica, koalia kona-ba ema. Ema mak halo dinamizasaun ba lala'ok estadu ninian, lala'ok Administrativa Púbrica determina oinsá mak bele alkansa objetivu Estadu nian, ema mak

halo atendumtu no prestasaun servisu atu hodi hakbesik ba liu povu.

Reforma I faze iha kontekstu kria Komisaun Administrativa Púbrica no II faze reforma oinsá mak dinamiza liu tan Funsau Púbrica. Iha II Mandatu KFP tama mai ho prioridades hamosu política ida oinsá asegura Funsau Púbrica ida ne'ebé profesional, imparcial, izentu, interidade, efisiensia, efikasias no hatudu responsabilidade servisu liga ba responsabilizasaun. KFP rasik hanesan orgaun independente ida ne'ebé sob-tutela ba iha S.Exa Primeiru Ministru eh Xefe Governu nian iha nia papel hodi asegura Administrativa Púbrica ida efisiensia, efikasias.

“Tanba ne'e governu iha hanoin ida ba implementasaun prioridades, programas, mak mosu pensamentu katak, di'ak liu tenke iha orgaun ida ne'ebé mak tenke servisu independente hodi asegura méritukrasia, prinsipiu profesionalizmu iha Funsau Púbrica no evita interferensia servisu iha política no asegura estabilidade fungsional prestasaun servisu husi Funsau Púbrica rasik. Ida ne'e mak fundu pensamentu ne'ebé mak sustenta reforma iha tempu ne'eba. Klaru katak, reforma hala'o iha tempu ne'eba hahu estabesimentu aliserse hahu ho lei 8/2004 ne'ebé koa'lia kona-ba estatutu Funsau Púbrica, tuir mai hetan alterasaun lei numeru 5/2009 nian ne'ebé mak reforsa liu tan ho lei numeru 7/2009,” Prezidente KFP hateten.

Tuir Komisariu Komisaun Anti Korupsaun (KAK), Sergio Hornai hateten, reforma hanesan komponente ida husi konstrusaun boot iha dezenvolvimentu nasional iha Estado de direito, Estado democrático liga ho boa governasaun atu hare ba transparansia, akuntabilidade, nune'e garante no asegura boa governasaun,





prestasaun servisu ne'ebé di'ak ba públiku. Tanba ne'e koalia kona-ba reforma administrasaun publiku, se haree ba iha konseitu peritu klásiku sira nian ne'e dinamiku ida ne'ebé mak evolui iha país sira modernu nian.

“Koa'lia kona-ba Funsau Públika, ezersisiu funksionalizmu públiku atu garante no asegura Administrasaun ida di'ak hodi fó prestasaun di'ak ba iha ita nia komunidade. Reforma iha oioin, reforma iha polítika administrasaun rasik, reforma lejislasau propriu mak hakarak eh lakohi fó permisaun atu bele iha reforma tanba, ezijensia no mós perkursu servisu sira ne'ebé mak la'o, hodi nune'e polítika sira ne'ebé mak la'o hodi iha duni administrasaun ne'ebé estruktura, sistemátiku, bem organizado atu nune'e bele fó prestasaun di'ak ba iha servisu estadu nian. Li-liu makina estadu, kuanu iha konsolidadu ba servisu ida ne'ebé mak ita hare'e kona-ba méritu, kapasidade, abilidade aas, halo prestasaun servisu ne'ebé di'ak, bele halo distinsaun ba servisu saida de'it atu bele suporta ba iha polítika Estadu nian. Tanba ne'e mak hahu kedas ho teoria balun iha Max Weber ninia fó hanoin katak iha nasaun sira sub dezvoltidu sempre iha ninia aprosimasaun eh alinamentu ba iha ne'eba, razaun simples, tanba demanda ema kapital sira mós iha hanoin katak, wainhira hau hakarak ba iha ne'eba hau hakarak burokrasia ida ne'ebé mak simples, burokrasia ida ne'ebé mak bele fó satisfasaun hodi bele simplifikasaun sasan, tanba ne'e mak iha hanoin ida atu kontribui ba iha boa governasaun, responsabilizasaun organizasaun ba iha Administrasaun Públika nian,” esplika Komisariu KAK.



Wainhira iha II mandatu KFP mai iha hanoin ida hanesan II etapa ba reforma iha Funsau Públika, husi 2015-2020 hala'o reforma lubun ida bazeia ba planu estratéjika, iha vizaun estruktura 5Rs (Re-estruturasau, revizaun ba kuadru regulatóriu, rasion-alizasaun forsa traballu, reinventar ka refazer funsoens jestaun rekursu umanus no revitalizasaun sistema kultura servisu). KFP define no sempre iha aliñamentu ho planu dezvoltimentu nasional no oinsé revé fali funsoens sira liga ho kestaun rekursu umanus hahu kedas ho planeamentu forsa traballu, rekrutamentu, seleksau, kolokasaun, avaliasau dezempenu, formasaun no dezvoltimentu no ikus liu mak reforma eh pensau, hot-hotu kaer ba prinsipi méritukrasia no profesionalizmu.

Tanba ne'e haree ba kuadru legais no dala balun mosu interpretasaun ne'ebé mak lahanesan. nune'e mak papel KFP ninian hasai deliberasaun, orientasaun, manuais, diretivas atu oinsá mak halo interpretasaun ba lakuna ne'ebé hodi uniformiza komprensau kona-ba situasaun jestaun rekursu umanus iha Funsau Públika rasik.

Alende ne'e oinsa mak ita halo ambiente ida ne'ebé mak respeita máxima ba profesionalizmu, asegura partisipasaun máxima husi funsionariu hotu iha prosesu lala'ok Funsau Públika nian, tanba ne'e mak KFP sempre servisu ho instituisau sira seluk liga ba boa governasaun hanesan IGE, KAK no PDHJ iha entendimentu protokolu kooperasaun kuadrilateral hodi asegura integridade, kultura legalidade, oinsa mak atu iha respetu prinsipi méritukrasia profesionalizmu.

Iha parte seluk Komisariu Komisaun Anti Korupsau (KAK) nia haree iha esforsu ne'ebé mak KFP, KAK, IGE no PDHJ hatudu katak komesa iha mudansa ba iha jestaun liga ba boa governasaun iha Administrasaun Públika.

“Hau hare'e survey integridade ne'ebé mak KAK halo iha ninia estudu sira iha 2015 fó rezultadu ida katak, estabesimentu instituisau sira ne'e bele fó kbi'it eh satisfasaun persepsau públiku nian por volta de 77%. Iha ema sira ne'ebé mak kontribui ba iha survey sira kontente tebes, mezmua ita hanesan país ida foun mak ita komesa hare'e ba oin, dalan ba futuru ida ne'ebé mak di'ak hodi bele halo prozesaun ba iha Administrasaun Públika liu-liu ba Estadu nian.

Iha mós persentajen balun hatudu katak, ladun iha konesimentu di'ak, maibé iha survey ne'ebé mak KAK halo iha tinan lima ba kotuk monstra katak, komesa iha konfiansa ida ne'ebé mak presija iha Governu ida tenke iha jestaun ida ne'ebé mak di'ak, la'o iha transparansia, akuntabilidade, halo servisu ida efisiente, efikaz, nune'e bele fó resposta ba iha problema sira ne'ebé mak iha demanda sidadaun sira mak rekezita ba iha instituisau Estadu nian.

Prezidente KFP hateten reforma ne'e atu halo melloramentu ida ne'ebé inkremental, neneik-neneik maibé, ninia objetivu prinsipal sempre ba ida diak ninian. La-ia reforma ida ne'ebé ita lori fila fali ba kotuk, ne'e la'os reforma maibé deforma “sobu”.

Prosesu reforma ne'e ita konsege dezvoltolve ona sistema Funsau Públika típika Timor-Leste nian, agora nesariu ba Funsau Públika ida ne'ebé bazeia ba prinsipi no valores sira mak konstituisau define nune'e mós bazeia ba valores no prinsipi sira tuir lei estatutu Funsau Públika.

# KFP

## KONTINUA DISEMINA BA POSTU ADMINISTRATIVU SIRA

**K**omisaun Funsan Públika kontinua halaõ diseminasaun ba postu administrativu no halaõ ona ba Posto Administrativo Railaco, Lacló no Remexio. Programa neê halaõ kedas tinan 2019 no kontinua ba tinan neê ho intensaun atu fahe informasaun no regra sira, prodesimentu liga ho direitus no deveres funsionáriu no ajente administrasaun públika iha Funsan Públika nian ba funsionáriu públiku sira.

Materia sira hanesan prosesu disiplinar, lisensa, falta sira laê asedi seksual iha Funsan Públika inklui feramenta foun SIGAPnet neêbê halo ona lansamentu iha loron 9 fulan jullu tinan neê.

SIGAPnet hanesan meu ida atu fasilita

funsionariu sira liga ho dadus eh perkursu kareira no informasaun relevantes seluk. Aleinde laõ ba postu sira ekipa téknika mós laõ ona ba instituisaun governu sira iha nasional hodi explika oinsa atu asesu ba SIGAPnet neê rasik.

Kestaun sira mak levanta iha diseminasaun maioria husi Edukasaun hanesan rekrutamentu ba professor kontratadu sira, transferensia no kolokasaun areas remotas hetan renumerasaun eh subsidiu diferente, abono de família, iha preokupasaun seluk liga ho promosaun grau materia diferente ho servisu iha terenu, passa ona iha grau maibé seidauk hetan salariu ba progresaun grau, okupasaun kargu xefia ba nivel



ekivalente atu asume kargu nian, lista prezensa iha ka lae no oinsá nia prosesu, avaliasaun dezempenu no reforma.

Iha parte seluk funsionariu husi MSSSI iha funsionariu ida deit no servisu barak liu, tanba neê husu atu bele rekruta tan ema atu apoiu servisu iha area remota, funsionariu EDTL mos levanta kestaun liga ho EDTL nebe mak sei muda ba empreza publika se hili opsau sei muda, oinsá nia benefisiu ba modalidade sira neê liga ho empreza nian.

Alende neê xefe suku mós hatoo nia observasaun liga ho sira nia servisu iha terenu, avaliasaun dezempenu iha oinsá ba sira nia remunerasaun neêbé mak minimu \$115 dólar, observasaun servisu iha baze liga ho karfu la iha direitu ba remunerasaun kargu nia KFP hatene kona-ba ida neê oinsá ba lalaok sira neê.

“Ita iha ona lei nu.12/2016 kona-ba rejime kontributivu, ida neê koalia kona-ba reforma no serguransa sosial. Iha rejime naun kontributivu neê ba deit estadu mak halo responsabilidade



ba pensaun nian, maibé iha 2016 estadu aplika rejime foun neê ba kada fulan koa 4% wainhira uza seguransa sosial neê tenke apresenta karta apozentasaun mak foin benefisia, liga ho idade 60 anos ba leten ba reforma nian. Ba lei rejime neê iha ninia preambulu koalia kona-ba reforma maibé la iha artigu ida mak koalia kona-ba reforma obrigatoria. Tanba neê KFP labele obriga ema atu reforma, maske nia idade 60 anos ona, neê fila hikas ba ema ida-idak atu ho iniciativa rasik hatama rekerimentu ba reforma, hafoin neê KFP servisu hamutuk ho INSS halo prosesu ba reformra. Wainhira ema la halo rekerimentu reforma sei la prosesu ba ema nebe mak idade 60 anos, ” esplika Prezidente Faustino Cardoso ba funsionariu sira.

Tuir dadus KFP nian idade 60 anos ba leten foin mak reforma 900 ital maske iha idade 60 anos barak, liu-liu professor sira.

Prezidente esplika klean liu tan, KFP rekomenda ona ba Parlamentu Nasional lei 12/2016 atu bele akresenta tan artigu ruma ba idade reforma iha neba atu koresponde ba lei refere. Liga ho prosesu sira neê KFP iha ona sistema SIGAP nebe mak akumula dadus funsionariu sira nian mak liu husi SIGAPnet funsionariu ida nebe asesu nia dadus rasik liu husi online.

KFP mos iha ona proposta dekretu lei ida nebe mak sei koresponde mos ba reforma obrigatoria mak planeamentu forsa trababllu nebe oras neê daudau KFP hatoo ona ba GPM no Konsellu Ministru.

Prezidente, Faustino Cardoso husu atu iha postu administrativu sira mos tenke iha planeamentu forsa trababllu husi aseguara no fasilita problema sira nebe mak iha.

Ba eskalaun mentok liu husi prosesu promosaun tuir too konkista ba grau tuir mai no rektroativu sei simu maibé orsamentu jeral estadu lao loos ona mak foin bele hetan fali retroativu.

Diseminasaun neê mós halaò ona iha postu administrativu Railaco iha loron (27/08/2020), munisipiu Ermera no postu Administrativu Remexio, munisipiu Aileu, iha loron (12/09/2020) nunêe mos iha IADE no Ministeriu Transporte no Komunikasaun.

# DL 13/2020 BENEFISIA KOMPETENSIA SERVISU INSTITUISAUN SIRA FORMASAUN BA FUNSIONARIU PUBLIKU



**D**iretor Nasional Formasaun no Dezenvolvimentu Komisaun Funsan Públika, Francisco da Costa Pereira fo entrevista iha programa rádiu METRO FM 94.7 MHz kona-ba Dekretu Lei númeru 13/2020, liga ho knaar KFP iha âmbito Formasaun ba Funsionariu Públiku sira.

Iha dekretu lei númeru 13/2020 koa'lia kona-ba regulamentu sira ba fundu Kapital Umanu, dekretu ne'e mak regulamenta oinsá formasaun dezenvolvimentu iha administrasaun públika hetan finansiametu husi FDCH, hodi koa'lia ba finalidade no objetivu, fó kompetensia ba instituisaun sira.

“Liga ho konsellu administrativu iha FDCH mak hanesan Ministériu Ensinu Superior Arte no Kultura, Ministériu Finanzas, Ministériu Justisa, Ministériu Petroleo no Minerais no SEFOPE, nune'e regulamenta mós sekretariadu tékniku liga ho rekursu umanu ne'ebé nia estrutura tomak toma konta ba prosesu implementasaun iha FDCH nian. Finalidade liga ho finansiametu ba programa sira formasaun no dezenvolvimentu iha Administrasaun Públika, ninia objetivu sira mak atu garante finansiametu ba iha investimentu formasaun dezenvolvimentu liga ho rekursu umanus ninian, garante seguransa negosiasaun ho sentru

formasaun eh instituisaun sira ne'ebé mak sei fó formasaun ba iha Administrasaun Públika, permite retensaun ba verbu sira iha tinan finansiametu no ikus mak garante transparansia iha Administrasaun Públika,” esplika Diretor Nasional Formasaun no Dezenvolvimentu, Francisco da Costa Pereira.

Iha artigu 19º atu esplika kona-ba se halo saida tuir ninia kompetensia no benefisiu sira ne'ebé mak iha, hanesan kompetensia KFP halo planu estratéjiku sira liga ho formasaun ba funsionáriu públiku sira, INAP hanesan parte implementador hodi implementa política sira ne'ebé mak iha. Kontrola diak ba se halo saida, kontrola partisipante sira iha formasaun, kontrola mos planeamentu ne'ebé adequadu no nesedita duni iha formasaun iha Administrasaun Públika.

Dekretu Lei foun ne'e atu kompleta di'ak liu tan formasaun sira ne'ebé nesedita duni husi liñas ministeriais sira, liga ho formasaun rai laran, rai liur, bolsa estudu ba funsionáriu sira.



# P rosesu Ezonerasaun Tenke Tuir Dalam Legal La'os Dalam Polítiku

**P**rosesu nomeasaun administrativamente nomeasaun ba kargus diresaun xefia husi Komisaun Funsau Públika, ba kargu seleksaun pur méritu ne'e mandatu determinadu wainhira hetan ezonerasaun husi polítiku sira tenke justifikadu, se la justifikadu KFP sei haruka fali ba instituisaun refere atu explika nia razaun forte liga ho regras legal no sá mak kargu sira ne'e halo. Razoens fundamentu saida, razoens motivu saida no legal saida mak ezonera ema, tenke iha razoens legal, se la iha labele, dehan Komisariu KFP ba jornalista sira iha nia knar fatin, KFP, Matadouro.

Seleksaun pur méritu ne'e determinadu tuir peri-odu mandatu, labele partidu ida sa'e mai ezonera ema, ida sa'e fali mós ezonera ne'e ita atu lori sustentabilide dezentvolvimentu administrasaun la garantidu.

“Hanesan kualker ezonerasaun mak la iha justifikasaun KFP sempre haruka fila, labele ezonera ema sein razoens no sein justifikasaun, ida ne'e ema afetadu ka ezoneradu iha direitu atu halo rekursu mai KFP, ba ninia instituisaun rasik no ás liu ba

nível Tribunal. Iha Dekretu Lei nu.25/2016 kona-ba rejime kargus diresaun xefia iha artigu 15 no artigu 16 no tuir lei nu.5/2009 Estatutu Funsau Públika, tanba ne'e ba kualker ezonerasaun tenke justifikadu, se la justifikadu KFP haruka fila,” esplika Komisariu António Freitas.



# KFP Monitoriza Atendimentu Servisu Funsionáriu Públiku iha Lautem no Baucau



**K**omisaun Funsau Públika liu husi Unidade Peskiza, iha fulan setembru tinan ne'e hala'o aktividade monitorizasaun kona-ba dezempeñu servisu atendimentu Funsau Públika iha Instituisaun Estadu hanesan Rejistu Sivil no Notariadu, Sentru Solidaridade Sosial, Servisu Agua no Saneamentu, Edukasaun, Departamentu Agrikultura no Peskas, no Sentru Saúde, durante loron lima, iha munisipiu Lautem no munisipiu Baucau.

Aktividade monitorizasaun iha munisipiu Lautem no munisipiu Baucau lidera husi Komisáriu asuntu disiplinár, Fausto Freitas da Silva "Liurai Tací" akompaña husi Diretor Unidae Planeamentu Peskiza, Elio Pereira Guimarães ho objetivu atu buka hatene oinsá no to'o iha ne'ebe dezempeñu funsionáriu públiku sira

halo atendimentu ba públiku ho efektivu, efikaz no profesional.

Matadalan eh guiaun ne'ebe mak uza ba iha atividade monitorizasaun no rekolhamentu dadus maka transparansia prosesu atendimentu, kriteria atendimentu no kustu atendimentu servisu, asesibilidade prosesu no fatin atendimentu, tratamentu Justu, profesionalizmu servisu no fasilidade atendimentu, seguridade ambiente no sistema atendimentu simu keixa husi públiku.

Âmbitu programa peskiza no monitorizasaun ne'e KFP sei hala'o mós iha munisipiu sira seluk inklui RAEOA.



# Prezidente KFP

## Orador iha FCS, UNTL Kona-ba Administrasaun Públika

Prezidente Komisaun Funsau Públika, Faustino Cardoso Gomes sai orador iha seminariu ne'ebé organiza husi estudantes Fakultade Siénsia Sisiais, UNTL ho tema jeral “Ho Reformasaun Administrativa Funsau Públika Sei Servisu Hodi Servi Povu ho Di'ak Liu Tan” iha seminariu refere Prezidente koa'lia kona-ba Papel Funsau Públika Atu Asegura no Garante Servisu Publiku ho Efetivu no Efikaz.

Prezidente KFP, Faustino Cardoso Gomes hateten, seminariu ne'e nu'udar inisiu ba tinan akadémiku foun 2020/2021. Nia prezensa hanesan dosente senior hodi fahe esperiensa ligadu ho polítika reforma Administrasaun Públika ka reforma Funsau Públika atu hametin liu tan konesimentu estudante sira nian no

haforsa vagazem konesimentu ba dosente sira, atu sai ekipa integradu hodi fó susesu ba prosesu aprendizajen iha Fakultade Siénsia Sisiais iha Departamentu Administrasaun Públika.

Nune'e hodi kontribui ba kualidade UNTL nian iha âmbito konstrusaun Estadu iha reforma Administrasaun Públika ho alvu prinsipal sira, oinsá maksimiza efisiensia, efikasias no prestasaun servisu ne'ebé di'ak liu tan ba povu hodi atinji objetivu Estadu no moris di'ak povu nian.

Seminariu ne'e realiza iha Universidade Nasional Timor Lorosa'e (UNTL), iha Fakultade Siensias Sisiais, Díli iha loron 29 Setembru 2020.



# KFP Fó homenagem ba memória eroi sira ne'ebé mak mate ba rai ida ne'e

Presidente, Komisáriu, Sekretariu Eze-  
kutivu no funsionáriu públiku sira no  
ajente administrasaun públika realiza ativ-  
idade sunu lilin iha resinto Komisaun Fun-  
saun Públika hodi homenazear eroi sira  
ne'ebé mak mate ba independensia ita nia  
pátria.

KFP foti isiativa sunu lilin ne'e hanesan sen-  
tidu atu fo homengem ba mártires pátria,  
hafoin rezultadu konsulta popular husi Na-

soens Unidas ne'ebé proklama vitoria ba indepen-  
densia pátria ba rai ida ne'ebé okupa husi Indóné-  
sia.

“Kauza husi ida ne'e, vítima mate barak, fugiladu,  
bombardeadas no sunu uma no edifisiu sira iha  
sidade kapital no infraestrutura hotu iha teritóriu  
laran hodi transforma sai abu,” esplika Presidente  
KFP, Faustino Cardoso Gomes iha (07/09/2020).

Atividade ne'e realiza inisiativa husi Komisaun  
Funsau Públika ba dahuluk hanesan ezemplu



ida atu homenazea erois sira no iha tempu hanesan halo reflesaun, hodi motiva servisu ho forma atu evoka memoria sira ne'ebé husik hela husi ita nia eroi sira ne'ebé mak mate no fujiladu husi militar Indonézia no milísia sira.



# BULETIN TRIMESTRAL

